

*Medley.* cum & aquas & nomen in *Aro* deponit suum. Vbi ad confluentes interfidet *Medley*, olim *Medley*, id est, *Interamna*, vel *media inter amnes* ob situm dicta: sedes superiori sæculo Roberti *Waterton* Hippocomi Regis Henrici Quarti, nunc vero clarissimi Militis Ioannis *Savilli* dignissimi Baronis Regii Scaccarii, quem & mihi pro humanitate favisse, & hoc opus pro doctrina promovisse libens lubensque agnosco.

*Are fl.* *Arus* ex Pennigenti montis radicibus, qui inter Occiduos montes altius se effert, ortus, statim ita mæandris ludit, quasi dubius fontes an mare petat, ut septies semihoræ spatio recto itinere mihi trajiciendus esset. Tranquillus, compositus, & vix fluens leniter fluit, unde sortitum nomen credimus. Lenem enim & lentum *Ara* Britannis denotare diximus, unde lentus ille Galliæ *Araris* nomen habet. Regionem ad hujus fontes *Craven* vocamus, forte à Britannica *Crage*, id est, *Saxum*. Saxi enim, atque pendentes rupibus, & aspretis omnia inhorrescunt, quibus media, suis quasi latebris, non procul ab *Aro* subsidit *Skiptron*, interque præcipitia quodammodo inclusa latet, perinde ac Italia Latium, quod sic dictum autumat Varro,

*Araris Galliæ Craven.* quia sub Apennino, & Alpibus lateat. Oppidum pro ratione ædificiorum inter hos montes satis est nitidum, castrumque habet ornatum sane, & munitum, à Roberto de *Rumeley* constructum, per cujus posteros hæreditario ad Albamarlæ Comites devenit. Cum autem horum caduca hæreditas, ut ajunt, Regibus obtigisset, Robertus de *Clifford* (cujus posteri nunc sunt Cumbriæ Comites) commutationis jure, & hoc castrum & amplissima circumquaque latifundia ab Rege Edwardo Secundo consequutus est, traditis Regi in manum possessionibus quas in *Marchia VVallia* ille habebat.

*Kigheley.* Cum *Craven* superaverit *Arus*, diffusior lætiores agros circumjectos, & inter eos *Kigheley* præterit, quod nomen fecit claræ familiæ de *Kigheley* inde dictæ. E qua Henricus *Kigheley* obtinuit ab Edwardo Primo huic suo Manerio jus *mercatus, ferie, & liberam VVarrennam, ita quod nullus intret terras illas ad fugandum in iis, vel ad aliquid capiendum quod ad VVarrennam pertineat, sine licentia & voluntate ipsius Henrici & successorum ejus.* Quod magni instar beneficii eo seculo habitum, & ego adnoto, ut videamus quid fuerit *Libera VVarrena*.

*Libera Warrenna.* Verum recta linea mascula hujus familiæ nostra memoria desit in Henrico *Kigheley* de *Inskip*, filii autem & hæredes enuptæ Willielmo *Cavendish* nunc Baroni *Cavendish* de *Hardwick*, & Thomæ *VVorsey* de *Boothes*. Hinc *Arus Kirkstall* non obscurum olim monasterium ab Henrico *Lacy* anno M C X L V I I fundatum præterlabitur, demumque *Leedes*, Saxonice *Loyber* invisit, quod *villa Regia* factum fuit cum C A M B O D V N V M hostili igne succensum jacuit, nunc oppidum lanificio opulentum, ubi *Oswius* Northumbrius *Pendam Mercium* fudit. Et magna cum utriusque populi utilitate, ut inquit *Beda*, nam & suam gentem ab hostili Paganorum depopulatione liberavit, & ipsam Merciorum gentem ad fidei Christianæ gratiam convertit. Locus vero ipse in quo pugnatum est, *VVinwidfield* à scriptoribus vocatur, quod nomen à victoria impo-

fitum suspicor, uti locus in Westphalia, ubi *Quintilius Varus* cum suis legionibus cæsus erat, Germanice *VWinfield*, id est, *Victoria campus*, appellatur, ut annotavit doctissimus, & mihi summe amicus *Abrahamus Ortelius*. Regiuncula circumvicina vetusto nomine olim *Elmet* appellata fuit, quam *Eadwinus* filius *Ællæ* Rex Northumbriæ expulso Ceretico Rege Britanno sui juris circa annum Christi D C X X fecit. In hac calx viva passim effoditur, quæ ad *Brotherton*, & *Knottingley* excoquitur, statisque temporibus quasi nundinis ad *Wakefeldiam Sandall*, & *Stanbridge* magna vis ejus convehitur: & in Occiduam hinc regionem, quæ montana & frigidior, ad agros lætificandos & fecundandos divenditur. Sed hæc agricolis relinquamus, ego quo cœpi pede pergam.

*Calderum* quem dixi, hospitem cum suis aquis tandem recipit *Arus*, ubi juxta ipsos confluentes, *Castle-ford* est viculus, *Caster-ford* *Marianus* vocat, qui prodit, cives Eboracenses plurimos ex *Edelredi* Regis exercitu ibi cecidisse, quos insequentibus carptim lacefferunt, cum ille ob fidem violatam hanc regionem incurfaret. Sed vetustiore nomine hic locus Antonino L E G E O L I V M, & L A G E T I V M dicitur, in quo præter vetustatis expressa atque illustria indicia, magna vis Rom. nummorum, *Sarasins head* vulgus ibi vocat, in loco *Beanfield*, à fabis nunc dicto, juxta Ecclesiam inventa: etiam distantia à D A N O & E B O R A C O, quibus interposuit, planissime docet: ut situm ad ipsam militarem Romanorum viam, & quod *Rogerus Hovedenus* diserte Civitatem vocat, taceam.

Hinc *Calderi* incurfu *Arus* grandior à sinistra *Brotherton* oppidulum relinquit, in quo \* *Margaretæ* Regina è venatione divertens, partu levata marito suo Edwardo Primo Thomam de *Brotherton* inde nominatum, qui postea Comes Norfolkiciæ & Angliæ Marecallus, peperit. Nec longe inferius *Arus* recepto *Dano* in *Oufam* se immergit. A dextra, ubi *marga* flavior reperitur, quæ agris insperfa ad fertilitatem plures annos valet, haud procul à ripa *Pontfract*, sive *Pontem fractum*, vulgo *Pontfreit* præterit, quod è *Legeoli* occasu quasi in vitam prodiit. Saxonice temporibus *Kirkby* vocabatur, sed *Normanni* à fracto ponte Gallice *Pontfract* nominarunt. Ex eo, ut vulgo creditur, quod pons ligneus super *Arum* in proximo fractus erat, cum *Guilielmum Archiepiscopum Eboracensem* (qui natus ex *Stephani* Regis sorore) Roma reducem maxima hominum multitudo comitaretur, plurimique in flumen deciderent, sed Archiepiscopo uberius flente, & numen divinum invocante, ne unus periret. Agro sedet peramceno, glycyrizæ, & fiseris feraci, ædificiis excultum nitidis, castrumque rupi affixum ostendit, si quod aliud magnificum, crebrisque propugnaculis non minus speciosum, quam tutum. *Hilbertus Lacy* Normannus, cui hoc oppidum cum vicino agro ( *Alrico* Saxone exturbato ) *Guilielmus Primus* dederat, castrum hoc primus condidit. *Henricus* vero *Lacy* ejus nepos fuit in bello ( ex *Placito loquor* ) ad *Trenchbrey* contra *R. Henricum Primum*, quare desseisus fuit de *Baronia de Pontfract*, & Rex dedit

Lime-  
stone.Elmet.  
Ninius.Castle-  
ford.Legeo-  
lium.Brother-  
ton.  
\* Vxor se-  
cunda.Marga  
flava.  
Pontfreit.S. Guili-  
elmus  
Eborac-  
ensis.

Lacy.

Placita  
II.  
H. 3.  
dit